



12

1417

Broj: 06-11-4011-5/22
Ilidža, 19.07.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj 39/14), te na osnovu Zapisnika o pregledu i ocjeni ponuda br. 06-11-4011-4/22, općinski načelnik donosi:

ODLUKU O IZBORU NAJPOVOLJNIJEG PONUĐAČA ZA JAVNU NABAVKU BROJ 89/22

I

Ponuda **GEOPUT d.o.o.**, Kralja Nikole 13, Banja Luka, u iznosu od **4.997,00 KM** bez PDV-a, proglašava se najpovoljnijom za **JN 89/22 „Izrada Glavnog projekta za izgradnju dječijeg igrališta u ul. Stanjevac- Rakovica, Općina Ilidža“**.

II

Ponuđač GEOPUT d.o.o., obavezan je u roku od 3 dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b) c), i d) Zakona o javnim nabavkama Bosne i Hercegovine.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u otvorenom postupku.

Obrazloženje

Na osnovu odluke o pokretanju postupka broj 06-11-4011/22-1 i obavještenja o nabavci broj 888-7-2-189-3-134/22 od 28.06.2022. godine, pokrenut je konkurentski zahtjev za **JN 89/22 „Izrada Glavnog projekta za izgradnju dječijeg igrališta u ul. Stanjevac- Rakovica, Općina Ilidža“**.

Ponude blagovremeno su dostavili **GEOPUT d.o.o.**, Kralja Nikole 13, Banja Luka, **Bosna Inženjering d.o.o.**, Kreševo br. 11/I, Sarajevo, **RADIS d.o.o.**, Jovana Dučića br. 16, Istočno Sarajevo, **URBIS CENTAR d.o.o.**, Bulevar vojvode Stepe Stepanovića 101a, Banja Luka. Analizom ponuda utvrđeno je da su ponuđači **GEOPUT d.o.o.**, **RADIS d.o.o.**, **URBIS CENTAR d.o.o.** ispunili uslove iz tenderske dokumentacije. Ponuda ponuđača **Bosna Inženjering d.o.o.** odbacuje se iz sljedećeg razloga:

Naime, tačkom 2.3 Tenderske dokumentacije propisano je da ponuđač mora imati na raspolaganju najmanje jednog diplomiranog inženjera arhitekture ili bachelor arhitekture sa minimalno 240 ECTS bodova sa položenim stručnim ispitom i pet godina rada u struci. Kao dokaz o ispunjavanju navedenog uslova (tačka 2.3.1 Tenderske dokumentacije) traženo je dostavljanje diplome o stečenoj stručnoj spremi, uvjerenje o položenom stručnom ispitu za lice iz



tačke 2.3. tenderske dokumentacije kao i uvjerenje ili potvrda o radnom iskustvu u struci (spisak stalnih uposlenika ne stariji od tri mjeseca računajući od krajnjeg roka za dostavu ponude izdat od nadležne institucije (Zavod PIO/MIO ili Porezne uprave), a ukoliko je angažovan kao spoljni saradnik ponuđač je bio dužan dostaviti ugovor ili Izjavu kojim dokazuje da će istog imati na raspolaganju za angažman na poslovima koji su predmet ove nabavke).

Ponuđač je dostavio diplomu i uvjerenje o položenom stručnom ispitu za diplomiranog inženjera arhitekture na ime Žilić Jusuf, te Uvjerenje o podacima registrovanim u matičnoj evidenciji Federalnog zavoda za penzijsko/ mirovinsko i invalidsko osiguranje- Kantonalna administrativna služba Sarajevo izdato dana 05.06.2020. godine za imenovanog inženjera.

Obzirom da je ponuđač propustio da dostavi valjan dokaz da ima u stalnom radnom odnosu diplomiranog inženjera odnosno propustio je da dostavi traženi spisak stalnih uposlenika ne stariji od tri mjeseca računajući od krajnjeg roka za dostavu ponude izdat od nadležne institucije (Zavod PIO/MIO ili Porezne uprave), njegova ponuda je ocijenjena kao neprihvatljiva.

Obzirom da je predmet javne nabavke intelektualni rad nije bilo predviđeno provođenje e-aukcije u skladu sa članom 2 stav (3) Pravilnika o uslovima i načinu korištenja e- aukcije. ("Službeni glasnik BiH", br. 66/16).

Na osnovu kriterija "najniža cijena" Komisija za javne nabavke utvrdila je rang listu ponuđača:

1. GEOPUT d.o.o., čija cijena ponude bez PDV –a iznosi 4.997,00 KM
2. RADIS d.o.o., čija cijena ponude bez PDV –a iznosi 6.850,00 KM
3. URBIS CENTAR d.o.o., čija cijena ponude bez PDV –a iznosi 6.900,00 KM

Imajući u vidu navedeno Komisija je predložila općinskom načelniku donošenje odluke o izboru ponude GEOPUT d.o.o., Kralja Nikole 13, Banja Luka, kao najpovoljnije, te je odlučeno kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od pet dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

DOSTAVLJENO:

1. Ponuđačima 4x
2. Služba za finansije
3. Stručna služba- Kabinet općinskog načelnika
4. Služba za razvoj, komunalne poslove i puteve
5. Stručna služba za zajedničke poslove (za objavu na web)
6. a/a

